

Choriyak Beziñ ariñik;
 Pozturik datoz, baña ikustean
 Anai laztanak illotzik
 Zelai gañean, samintzen dira,
 Gelditzen dira tristerik,
 Len zuten pozak, utsirudiyen
 Moduan iges egiñik.

Lurperatutzen dituzte gorputz
 Illikan dauden guztiyak;
 Sayatzen dira, maitetasunez
 Sendatu nairik eriyak,
 Naiz izan oek beren lagunak,
 Naiz izan beren etsaiyak;
 Eta dizkate Jaungoikoari
 Ematen esker zintiyak,¹
 Uztarri gabe diradelako
 Paketsu beren mendiyak.

.....

Ala desegin ziran Ordoñok

Zituen uste guziyak,
 Egun-sentiyen diran. bezela
 Desegindutzen odeiyak;
 Bada Zeruan bilduagatik
 Pilla trinko beltz aundiyak.
 Jardunagatik jazarran gogor,
 Ditu garaitzen argiyak,
 Mundu onetan gezurzaleak
 Dituen eran egiyak.

¡Umant argiyak! Nola mendiyen
 Zutikan dagon aritza,
 Gizaldiyetan igartu gabe
 Beraren embor bortitza,
 Eünki danak igarorikan
 Gugana zuen oroitza
 Modu berean etorri zaigu,
 Zerren umanten bizitza
 Betikoa dan: illtzeagandik
 Irichi zuten garaitza.

CARMELO DE ECHEGARAY.

NEG U A R I .

AMALAUDUNA.

Negu baltz ta mótxa² bizar zuriókaz
 Atorkígu leiaz³ kikilduterà?⁴
 Zeru urdiñári laño arreakaz⁵
 ¿Zertan ichi deútsak arpegi ederrá?
 Agura zitála arnasa otzókaz
 lpar erriráño oa atzerá
 Eure alderdian agó ekachókaz
 Etorri bagárik Egoi aldera.
 Azalako sartu i gure lurréra
 Narru gorrián or, zugatz⁶ guztiá,
 Errekea orróez, zelai ta mendia
 Pichicho bat bére ez dakarrelá,
 lchasoá asárre, Eguzkia lótan,
 Begirik zabaldu nai ezdabelá.

F. ARRESE Y BEITIA.

(1) Sinceros.—(2) motza=goibela.—(3) leia=izotzu.—(4) kikildu, acoquinar.—(5) arrea. pardo.—(6) zugatza, árbol.